

1929

46 CAP. I. DE ACQUISIT. QUÆSTUS MERETRICII,

qui vel tanquam inhabilis impediatur, vel à Jure expressè prohibeatur *L. 5. pr. ff. de probat. Gl. in L. 4. ff. qui test. fac. poss.* Cùm igitur meretrix, quæ talis, neque ob vitium aliquod vel corporis, vel animi inhabilis ad testandum deprehendatur; neque in Jure usquam testari prohibeatur: sequitur etiam, quod facultas testandi ipsi libera sit permitteada, *Cyn. in L. 2. C. de condiēt. ob turp. caus Bald. in L. 1. C. eod. & in e. cum decorem X. de vit. & bon. Cler. Dec. in L. 1. C. de secund. nupt. n. 5. Jo. Cephal. lib. 4. Conf. 523. num. 124.*

33 Nec officit, quod meretrix sit persona infamis; cùm sola infamia non tollat testamenti factionem activam, *Salycet. in d. L. 2. C. de secund. num. 3.* Neque destituimur exemplis: sic enim *Flora* nobile scortum, cum magnas opes ex arte meretricia quævisset. Populum Romanum scripsisse fertur heredem; certamque pecuniam reliquisse, cujus ex annuo fœnore natalis ejus celebraretur editio ludorum, quos *Florales* sive *Floralia* appellârunt, quod cum Senatui flagitiosum videretur, ab ipso nomine argumentum sumi placuit; atque ut pudendæ rei quædam dignitas adderetur, *Floram* finxerunt esse Deam, quæ floribus præesset; eamque oportere placari, ut fruges cum arboribus aut vitibus benè prospereque florescerent. *conf. Val. Max. lib. 2. c. 4. Lil. Gyrard. Hist. Deor. Syntagm. 1. add. Al. ab Alex. lib 6. Gen. Dier. t. 8*

34 Proinde libertati testandi meretricum nihil est derogandum. Ideoque liberos etiam suos quia ob aliquam ingratitudeis causam exhæredare valeant, indubium est: sed filiam tamen mertricem ipsa mater meretrix vix cum effectu exhæredabit *per L. in arenam 11. C. de inoff. testam.* quia infame istud vitæ genus, quod in se probat mater, in filia reprobare nequit: nisi fortean mater ante conditum testamentum vitam suam emendaverit, & ad meliorem frugem redierit. *Conf. præter allegatos à B. Dn. Brunnem. ad d. L. 11. n. 7. Cels. Bargal. Tr. de dolo lib. 6. n. 60. p. 743. Hippol Riminald. lib. 1. conf. 57. n. 28.*

35 Sed uti meretrix meretur laudem, quæ adhuc incolumis turpem atque illicitum quæstum suum in miseros & pauperes collocat, ac de malè quæsitis proximo egenti benefacere studet: ita nec vituperanda erit, si memor mortalitatis suæ in Testamento vel
pias